

# Sevei Cuiyi Ndei

□ Loz Ginhhungz / 罗金宏

Bi 2019,  
Couh yaek daengz bi nou,  
Byawz rox mbwn dem you,  
Souh binghra q nyaux biengz.

Vujhan deng daih 'it,  
Cigsoh daengx Huzbwz,  
Binghra q daeujhwhw,  
Huj vunzbiengz simcieg.

Vujhan cig heuh gip,  
Vangzgangh cie p dem you,  
Yauganj hix heuh gouq,  
Daengx guek mbouj an 'onj.

Dangcunghyangh roengz lingh,  
Fung singz gimq ok byaij,  
Youq ranz mbouj ndaej vaij,  
Duenh roen byaij binghdoeg.

Canghyw nyig roen byaij,  
Ganj bae caij binghdoeg,  
Sengj si bang doxgot,  
Doed ok dangj yinghmingz.

Ngamq daeb Hojsinzsanh,  
Youh ganj Leizsinzsanh,  
Laeb yihyen fanghcangh,  
Bang giz sou bouxbingh.

Binghra q mbouj rox gyaiq,  
Vaih guek aen dem aen,  
Hung iq de mbouj faen,  
Hix gamj nyaenj guek daeuz.

Yidali baenzbyoz,  
Meijgoz hix deng ngaiz,  
Daengx biengz vunzbingh lai,  
Yaepyai geijlai fanh.

Ouhcouh simvuengvueng,  
Luenh lumj moed ndaw cauq,  
Mungzyoux mbouj doxgauq,  
Cauh vahriu gwnzbiengz.

Meijgoz aen guek daeuz,  
Naeuz mbouj lau binghra q,  
Byawz rox yaep seiz da,  
De deng lah cei q lai.

Bingh daeuj mbouj gangj gouq,  
Naeuz vunz guh mbouj baenz,  
Hix mbouj rox dwgcaengz,  
Yaeng bae ciengj goujcau.

Naeuz saefueng fatdad,  
Doeksat dwg yienghneix,  
Dauqcawq mbouj gangj leix,  
Miz maz daekeiq lai.

Dauq yawj raeuz Cunghgoz,  
Seizneix mbouj lauhei q,  
Baengh dangj dazyinx ndei,

Sevei ndaej andingh.

Dangj lingjdauj baihlaj,  
Binghra q ndaej dwk hingz,  
Ndaw biengz ndaej onjdingh,  
Hai singz youh hai hong.

Bouxboux caez fuengzceih,  
Laeb ndei ndaej guhyiengh,  
Comz vunz miz ligliengh,  
Goj ndaej biengj goengqbya.

Bae bang Yidali,

Lij coengh Saiveizya,  
Yizmyauz rog guek caj,  
Ra Cungguk gouqmingh.

Soengq yw youh baij vunz,  
Cungj simsienh simndei,  
Binghra q gaemhanh ndaej,  
Vunzbiengz meiz(miz) maqmuengh.

Youq cainanh baihnaj,  
Cij roxnaj byawz ndei,  
Roen byaij ndei mbouj ndei,  
Cij meiz(miz) din gag rox.

Sevei cuiyi ndei,  
Ceih guek baengh caenleix,  
Cidu laeb guek ndei,  
Fukheiq hawj gwnzbiengz.

Sevei cuiyi ndei,  
Ndae j meiz(miz) dangj yinx byaij,  
Hojceh baihnaj daiq,  
Byaij sevei cuiyi.

## Doekcin Fuengz Raq Song Fwngz Ca

□ Lij Genhlwnz sij Vwnh, Siujbei hoiz



Doeng bae cin daeuj,  
Dauqcawq va hai seizneix,  
Youqgaenj seizgeiz,  
Doekcin youh dwg hauhlingh.

Hoexciengq binghra q,  
Sai bae geijlai goengrengz,  
Gaenq gaemhanh ndaej,  
Hainduj yien vaiz doekcin.

Lij aeu senhconz,  
Fuengzre goek bingh dauqma,  
Fuk hong fuk canj,

Hix dwg aeu ganj seizgei.

Doekcin daengz seiz,  
Nungzyez ndeindei fuk canj,  
Mboujguenj gig nanz,  
Hix ca swngchcanj mbouj dingz.

Guekgya roengz lingh,  
Bouxboux yangjying guh hwnj,  
Fazcanj ginghci,  
Mbouj ndaej lumz fuengz binghra q.  
Caezsim okrengz,

Doengz daeuj doxhoenx binghra q,  
Aendangj vih minz,  
Bouxboux ndang cangq ndang ndei.

Doekcin fuengz raq song fwngz ca,  
Duet gungz bienq fouq yamq din  
hung,  
Cungj aeu dingq aendangj hauh-  
lingh,  
Siujgangh swngghoz youq dangqnaj.

Siu Cuh mbouj caiq gyaep Lungz  
Byauh deuz, youzcaih de lo.

Lungz Byauh hix caen miz  
naihsim, gwq youq laj gofaex naengh  
daengz lajbyonghngoenz, mwh  
gyoengq dabsau yaek roengz bya seiz,  
lau deng gyoengqde yawjraen, cij  
mbouj cingz mbouj nyienh byaij deuz,  
roengz bya maranz gonq lo.

Couh yienghneix, Lungz Byauh  
ngoenzngoenz buet daengz gwnz bya  
daeuj buenx Siu Cuh gvej haz, song  
bouxcoz caemhyouq, miz gangj miz  
riu, guhhong hix mbouj roxnyinh  
naetnaiq, ngoenz he baez yaep da couh  
gvaqbae lo, saedceij gvaq ndaej gig  
vaiq.

Gij gamjcingz songde gaenq  
ngoenz beij ngoenz laegnaek, caemh-  
caiq cungj rox gij cingzeiq doiqfueng,  
hoeng cungj najmong mbouj gamj

haibak gangj okdaeuj ndwi.

Ngoenzhaenx, Lungz Byauh  
cingq bang Siu Cuh cug fwnz,  
sawqmwh dingqnyi Siu Cuh doeksaet  
swenj sing he, ngiengxgyaeuj baez  
yawj, caenh raen Siu Cuh ndaw fwngz  
gaem vad fagcax, gwq doiq dauqlaeng,  
ndaw bak hemq dwk:

“Lungz Byauh…… Lungz  
Byauh……”

“Miz maz saeh?”

Lungz Byauh bongh gvaqdaeuj,  
byaengq da baez yawj, yenzlaih dwg

duz ngwzndaem he!

Duz ngwzdoeg saekndaem neix  
miz song cik lai raez, aiq deng Siu Cuh  
gik lo, de cingq ngiengx gyaauj-  
samgak, menhmenh nod coh Siu Cuh  
daeuj.

Lungz Byauh baez rag Siu Cuh  
daengz henz, duz ngwzndaem haenx  
sikhaek couh riengz gvaqdaeuj. Lungz  
Byauh swnhfwngz ciengj fagcax ndaw  
fwngz Siu Cuh gvaqdaeuj, loq gungj  
hwet bae raemj duz ngwzndaem haenx.

Baez yaep da, duz ngwzndaem

deng raemj baenz le song gyaengh,  
hoeng hix haeb deng gij gahengh  
Lungz Byauh lo.

“Aiya——”

Siu Cuh heuh sing daemq ndeu,  
cij raen gahengh Lungz Byauh miz le  
song aen baksieng, miz aen reb  
yienghneix hung, gij lwed cingq daj  
giz baksieng lae roengzdaeuj.

Duz ngwzndaem deng raemj  
baenz song gyaengh le, lij youq  
gwnznamh ningnyubnyub.

(caengz sat)

•Sawcuenhbraez Lwngnyez•

## Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓